



Bou ons kinders vir môre

Sondagskool 1

Lestitel: Ek is 'n kind van God

'n Ouerhandleiding

Sondagskooltuisonderrig



Liewe Ouer

Welkom by die les: “**Ek is 'n kind van God**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Ek is 'n kind van God
Bybelwoord	Geen Bybellees nie
Lesdoelwit	Die kinders voel dat hulle 'n Hemelse Vader het. God is die sterkste Vader wat hulle voor kon wens.

Lesopsomming:

Ons het die volgende in die vorige drie lesse geleer:

1. **Johannes die Doper:** God sorg vir ons en het al ons erfsonde vergewe toe Hy 'n verbond met ons gesluit het tydens ons doop.
2. **Jesus word gedoop en verseël:** Ons word ook met die Heilige Gees verseël. Dit help en versterk ons in alle lewenssituasies. Ons is kinders van God omdat ons met die Heilige Gees verseël is.
3. **Johannes erken** dat Jesus ons so liefhet en ons sy kinders gemaak het, en daarom moet ons probeer om soos Hy te wees. Ons moet dus sy nabyheid soek, in Hom glo en op Hom vertrou. Die hemelse lewe sal in ons groei.

In die les van vandag leer ons dat:

- Ons bevoorreg is om kinders van God te wees.
- God ons Hemelse Vader is wat ons liefhet en versorg, maar dat Hy ook iets van ons verwag. Laat ons hoor wat Jesus van ons verwag ...
- Cathy en haar ma sit onder 'n boom in 'n veld bedek met blomme.
 - o Hulle geniet die verskillende kleure en die verskeidenheid van blomme.
 - o Cathy se ma sê: "Ons kan net wonder oor die Skepper, ons Vader in die Hemel."
 - o Cathy sê ... "Daar is soveel mense in die wêreld, ken die Vader elkeen van ons?"
 - o Haar ma sê ... "Ja, Hy ken ons almal, net so goed soos wat ek jou en jou broer ken. Hy het ons lief, gee vir ons om en ken ons almal by naam omdat Hy ons gemaak het. Die Here maak altyd vir sy kinders tyd, ons kan enige tyd tot Hom bid. So kan ons ook aan Hom wys dat ons Hom liefhet. Maar daar is iets wat baie belangrik is as ons die Here vir iets vra, en dit is **om "dankie" te sê.**
- **Ons moet God altyd dank vir alles wat Hy elke dag vir ons doen.**



Wat beteken hierdie les vandag vir ons?

- God sorg vir ons.
- God ken ons by name en het ons almal lief.
- Hy het ons deur genade sy kinders gemaak met Heilige Verseëling.
- Ons moet dus sy nabyheid soek, in Hom glo en op Hom vertrou.
- Die Here Jesus is die Seun van God en ons is ook kinders van God.
- Ons is bly om kinders van God te wees en moet Hom wys dat ons Hom liefhet.
- Jesus verwag van ons om tot God te bid, op Hom te vertrou en ons moet Hom bedank vir wat Hy vir ons doen.

Sommige vrae wat ons kan vra:

1. Vraag: Wat is die naam van die Seun van God?

Antwoord: Jesus Christus

2. Vraag: Wat wil Jesus hê moet ons doen?

Antwoord: Ons moet in Hom glo, Hom vertrou, liefhê en dank

3. Vraag: Wanneer moet ons tot God bid?

Antwoord: Ons kan enige tyd tot God bid.

4. Vraag: Wat moet ons doen as God ons gebede verhoor?

Antwoord: Dankie sê.

5. Vraag: Hoe word ons kinders van God?

Antwoord: Wanneer ons met water gedoop word (Heilige Doop) en die Heilige Gees ontvang (Heilige Verseëling).

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen

Sodat ons nader aan U kan groei, Stuur Jesus om ons te kom haal

En mag ons gereed wees om Hom te ontmoet. Amen